

太上靈寶玉匱明真大齋言功儀 化四

廣成先生杜光庭修

衆官依位導引昇壇念入戶呪

上五方香北方

次上洞案香念上香呪

各禮師存念如法

宣衛靈呪

鳴法鼓二十四通

无上三天玄元始三氣太上老君召出臣等  
身中三五功曹左右官使者左右龍虎君侍  
香金童傳言玉女五帝直符直日香官各三  
十六人出當召某處土地里域真官正神速  
出關啓臣今正爾燒香奉為某奉修靈寶九  
幽玉匱明真還神大齋功圓事畢昇壇拜表  
焚燒真文復職化四還官言功設醮重明功德願  
得

太上十方正真生炁降流臣等身中所啓速  
達上御

至真無極玉皇上帝御人各三禮

各稱法位

上清玄都大洞三景弟子无上三洞法師奉  
行明真大齋法事某嶽某帝先生小兆真人  
臣某等今故燒香以是功德上為

帝王太子皇后皇妃致福延禧保安國祚  
某廟皇帝尊靈遊宴玉京超凌宸極今故燒

香歸身歸神歸命

太上靈寶自然至真無上大道特乞玄造流  
恩洪鑿廣被仙靈受度證品成真侍衛道君  
逍遙無上金闕七寶自然宮水與道合所啓  
玄感上御

十方无極至真道前

禮十方從東

禮足各長跪歸命懺悔

次三業懺

三啓

三禮化四

次收真文内音東南西

次弟子執真文於香煙上師面壇中

叩齒十二通呪曰

元始大帝高上玉皇普告十方無上無下無  
極神鄉三十二天隱韻靈章五文結氣八會  
流說今日大有萬善敷張定名仙圖列籍紫  
房修齋行道介福遷神幽關朗晏冥夜開光  
超登三界景侍虛皇帝圖延永壽祚無疆萬  
真鑒祐四海太平妖星蕩滌中外康寧請如

所告金馬驛程

安真文於御案上待隨表焚之

重稱法位

上清玄都大洞三景弟子无上三洞法師奉  
行靈寶明真大齋法事某嶽某帝先生小兆

真人臣某等謹重上啓

太上無極大道元始天尊太上大道君太上  
老君自然至真靈寶天尊尋聲救苦大慈天  
尊五老上帝三十六部尊經玄中大法師三  
界內外應感尊靈臣等叨荷玄功幸逢道化

三乘御運五炁開光正法流行普度幽顯人  
天荷賴生死露榮而大教垂科開度為本上  
唯邦國資祐

帝王使玄德適單神功退布天地之内存歿  
同憐凡在群生常加濟護況奉明旨敢不上

聞

次讀詞

按如詞誠義深拯拔恭依玄式敷啓壇場燒  
香然燈轉經行道輒披靈韞開露真文以八  
會寶書闡明三界依時存注關告尊靈翹想